

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी होर अज्ज त्रऊं दिनें दे रूस ते आस्ट्रिया दे दौरे पर जा'रदे न।
- उपराज्यपाल मनोज सिन्हा होरें जम्मू कश्मीर च रमानदारी ते खुशहाली ब्हाल करने दे सरकार दे जतनें च लोकें दा सैहयोग मंगेआ ऐ।
- अजे तोड़ी 1 लक्ख 82 ज्हार कोला मते श्रद्धालु री अमरनाथें दी पवित्र गुफा च बर्फू नै बने दे शिवलिंग रूपै दे दर्शन करी चुके दे न, जम्मू दे भगवती नगर आधार शिविर थमां अज्ज 5 ज्हार 805 श्रद्धालुएं दा इक होर जत्था घाटी लेई रवाना।
- केन्द्री सेहत मंत्री जे.पी.नड्डा होरें आखेआ ऐ जे एम्स जम्मू मुल्खै च इक बेहतरिन सेहत संस्थान साबत होग। एम्स च ओपीडी दी सहूलत तौले शुरू होई जाग।
- पुलस महानिदेशक आर.आर.स्वैन होरें आखेआ ऐ जे जम्मू च आतंकवाद दे नमें सिरिया सिर चुक्कने दा कोई माहोल जां गुंजैश नेई ऐ।

<><><><><><>

PM-Russia

प्रधानमंत्री नरेन्द्र मोदी होर अज्ज रूस ते आस्ट्रिया दे त्रऊं दिनें दे सरकारी दौरे पर रवाना होआ करदे न। दौरे दे पैहले गेड़ च ओह 22में भारत-रूस सलाना शिखर सम्मेलन लेई मास्को जांगन। एह सम्मेलन प्रधानमंत्री नरेन्द्र मोदी ते रूस दे राष्ट्रपति ब्लादिमीर पुतिन गी रक्षा, बपार ते निवेश, ऊर्जा सैहयोग, शिक्षा संस्कृति ते लोकें बश्कार आपसी तालमेल सने व्यापक दपक्खी मुद्दें पर बचार बमर्श करने दा मौका देग। दौनें लीडर आपसी हित आले क्षेत्रीय ते वैश्विक घटनाक्रम पर बी गल्लबात करगंन। ओह ब्रिक्स, शंघाई सैहयोग संगठन जी-20, पूर्व एशिया शिखर सम्मेलन ते संयुक्त राष्ट्र जनेह मंचें च दपक्खी सरबंधें दी मजूदा स्थिति दा बी विश्लेषण करगंन।

दौरे दे दुए गेड़ च प्रधानमंत्री होर 9 ते 10 जुलाई गी आस्ट्रिया च होंगन। श्री मोदी हुंदी पैहूली आस्ट्रिया यात्रा उत्थुआं दे चांसलर दे साददे पर होआ करदी ऐ। दौनें लीडरें बकशर शिष्टमंडल सतह दी गल्लबात दे अलावा बपार जगत दे मुख् मुख् लोकें कन्नै बी मोदी हुंदी वार्ता होग।

<><><><><><>

LG-Culture

उपराज्यपाल मनोज सिन्हा होरें लोकें अगगे अपील कीती ऐ जे ओ जम्मू कश्मीर च रमानदारी ते खुशहाली दी ब्हाली लेई सरकार दे जतनें च सैहयोग ते समर्थन देन। उनें आखेआ जे 1980 आले दहाके च इत्थें पूरी चाल्ली दी रमानदारी ही पर साढे गोआंढी मुख् आस्सेआ प्रयोजित आतंकवाद नै जम्मू कश्मीर दे लोकें दिऐ आसें7तांगें ते सुखने गी बुरी चाल्ली चूर चूर करी दित्ता। उनें आखेआ ओहूदे बाद इत्थें सिनेमा घर बंद होइ गे, फिल्में दी शूटिंग बंद होई गई ते फिल्म उद्योग लेई कम्म करने आले ज्हारां लोकें बेरोजगार होई गे। उनें आखेआ जे माली पछाड़ दे इलावा इत्थूं दे सांस्कृतिक ताने बाने गी नुक्सान पुज्जारु मकामी प्रतिभा गी बधने मझेने दा मौका नेइ थहोआ ते केई लोकें गी अपना घर बाहर छोड़ियै बेघर होना पेआ। सिन्हा होरें आखेआ जे पिछले त्रै-चार ब'रें थमां फिल्म उद्योग च नमें सिरेया जान भरने दे कोश्ट कीती जा'रदी ऐ। उपराज्यपाल होर निरूपमा कोतरु ते शानतनु रे चौधरी हुंदे आस्सेआ सम्पादित कताब "द स्विंगिंग सेवनटीज-द स्टार्स स्टाइल एंड सब्स्टास इन हिंदी सिनेमा" दा विमोचन करदे मौके बोला'रदे हे। मनोज सिन्हा होरें कताब दे सम्पादके ते प्रकाशकें गी इस शानदार कताब लेई ममारकबाद दित्ती।

<><><><><><>

Amarnath Yatra

जम्मू कश्मीर दे जम्मू स्थित भगवती नगर आले आधार शिविर थमां 5 ज्हार 803 श्रद्धालुएं दा इक होर जत्था श्री अमरनाथ जी दी यात्रा लेई घाटी आस्तै रवाना होआ। एह श्रद्धालु 218 गड्डिएं दे काफले च सुआर होइयै बडलै अपनी यात्रा लेई रवाना होए। इस जत्थे च 4 ज्हार 521 मर्द, इक ज्हार 139 महिला, 9 बच्चे, 124 साधु, 10 साध्वियां शामिल हियां। कुल 5 ज्हार 803 श्रद्धालुएं चा इक ज्हार 862 बडलै 3 बज्जियै 10एं मिंटे पर बालटाल लेई ते 3 ज्हार 941 बडलै 4 बजे पहलगाम लेई रवाना होए।

<><><><><><>

SC NEET

सुप्रीम कोर्ट अज्ज नीट अंडर ग्रेजुएट कन्नै सरबंधत याचिकाएं दे इक बैच पर सुनवाई करोग जेह्दे च नमें सिरेया मतेयान दी मंग करने आली याचिका बी शामिल न। सुप्रीम कोर्ट दी वेबसाइट पर अपलोड कीती गेदी सूचि मताबक 26 याचिकाएं दा बैच मुख्य न्यायधीश डी.वाई.चन्द्रचूड़ ते न्यायमूर्ति जे.बी.पारदीवाला ते मनोज मिश्रा दी पीठ सामने सुनवाई लेई औग। छात्रें आस्सेआ दायर कीती गेदी याचिकाएं च नीट मतेयान च होई दिएं कथित गड़बड़िं दी बख्खरी ते स्वतंत्र जांच दी मंग कीती गेदी ऐ। केन्द्र नै आखेआ ऐ जे मतेयान पर बड़्डे पैमाने पर गड़बड़ी दे कुसै बी सबूत दे नेई होने पर नीट-यूजी 2024 दा मतेयान परतियै करोआने दी कोई लोड नेई ऐ। इनें इब्बी तर्क दित्ता जे नमां मतेयान लक्खें वास्तविक मेदवारें दी जीवन पर गलत असर पाग।

<><><><><><>

Stone Crasher

कठुआ च दरयाएं-नालें चा गैर कनूनी तौरा पर लेतर, बजरी ते बट्टे कड्डने आलें खलाफ कारवाई तेज करदे होई जिला प्रशासन नै 25 क्रैशर बंद करी दित्ते न। एह कारवाई जिला विकास कमीशनर डॉ. राकेश मिन्हास हुंदे आस्सेआ इलाकें च क्रैशरें दी जांच पड़ताल ते कम्म करने दे तरीकें दा मुआयना करने दे बाद कीती गई ऐ। एह्दे शा पैहले डीसी होरें खन्नें सरबंधी मैहकमे दी इक टीम गी उनें थाहरें पर मुआयना करने लेई भेजेआ हा जित्थुआं इंदे बारे केई शकैतां हासल होआ'रदियां हियां जे उत्थें गैर कनूनी तौरा पर दरयाएं ते खड्डे चा लेतर बजरी कड्डी जंदी ऐ। जांच पूरी होने दे बाद एह कारवाई कीती गई ऐ। उनें दस्सेआ जे इनें क्रैशरें गी पैहले बी गैर कनूनी गतिविधिएं कोला बाज औने लेई खबरदार कीता गेदा हा।

<><><><><><>

Reasi Flood Preparation

रियासी दे जिला विकास कमीशनर विशेष महाजन होरें कल इक बैठक सद्विदएं जिले च बरसांत ते हाड नियंत्रण सरबंधी तैआरिएं दी समीक्षा कीती। बैठक च मुख्य तौरा पर गल्लबात, बचाह कारवाइएं, राहत उपाएं ते जरूरी सेवाएं जिंदे च बिजली सप्लाई, सड़क संपर्क, पानी दी बवस्था ते सुरक्षा नियमें बारे कीती गई। विशेष महाजन होरें अधिकारिएं गी जोर देइयै आखेआ जे बरसांती बरखा जां हाड औने करी हालात जनेह मर्जी होन पर लोकें गी बुनियादी ते जरूरी सेवाएं दी दस्तेयाबी बरोबरी बनी दी रौहनी लोडचदी।

मीटिंगा च दस्सेआ गेआ जे लगातार संपर्क बनाई रखने लेई इक विशेष कंञ्जोल रूम खडेरुआ जाग तां जे मदद लेई संपर्क कीता जाई सकै ते कन्ने बचाह ते राहत कारवाइए च लग्गे दे बक्ख-बक्ख मैह्कमे बश्कार बी तालमेल ते राबता बने दा रवैफ। डीसी होरें रियासी दे लोकें गी बी आखेआ जे ओ सौह्गे सर्तक रौहन, सुरक्षा नियमें ते एहतियातें दी पालमा करन ते मकामी प्रशासन गी सैहयोग देन।

<><><><><><>

AIIMS Nadda

केन्द्री सेहत मंत्री जे.पी.नड्डा होरें कल एम्स जम्मू दा दौरा लाया ते एह्दिएं तैआरिएं दा जायजा लैता। इस मौके उनें आखेआ जे एम्स जम्मू भारत च बेहतरिन संस्थान साबत होने जा'रदा ऐ। इस मौके उनें घोषणा कीती जे इत्थें अस्पताल च ओपीडी दी सेवा तौले गै शुरू होई जाग। उनें आखेआ जे बक्ख-बक्ख माहिर डाक्टरें दी भर्ती दा कम्म जारी ऐ। उनें आखेआ जे सरकार इस संस्थान दे मयार च कुसै चाल्ली दा कोई समझौता नेई करोग.....

<><><><><><>

DGP Kulgam

पुलस महानिदेशक आर.आर.स्वैन होरें गलाया ऐ जे जम्मू खित्ते च आतंकवाद दे नमें सिरेया सिर पुट्टने दे कोइ असार नेई ऐ न ते इत्थें शांतिपूर्ण माहौल बरकरार रौहग। पत्रकारें कन्ने कुलगाम जिले च होई दिएं दऊं आतंकी वारदातें बारे गल्ल करदे होई डीजीपी होरें गलाया जे जम्मू खित्ते च सुरक्षा स्थिति मुख्क मसला हा पर हुन स्थिति किश बक्खरियां न। उनें आखेआ जे कुलगाम च सुरक्षा बलें दी जित्त इस गल्ला दा सबूत ऐ जे जम्मू कश्मीर च आतंकवाद अपना खरी साह लै'रदा ऐ। डीजीपी होरें गलाया जे कुलगाम च सुरक्षाबलें दऊं टाकरें च 6 आतंकिउं गी मारी मकाया जेह्ड़ा इस गल्ला दा सबूत ऐ जे आतंकिएं दे खात्मे दा कम्म चरम उप्पर चाला करदा ऐ। उनें बड़ी मती गिनतरी च आतंकवादिएं दे खात्मे गी गी इक बड्डी उपलब्धि दस्सेआ।

<><><><><><>

Landslide

किश दिन पैहले किशतवाड़ शा पाड्डर जा'रदी शिड़क नागसेनी थमां पस्सियां पौने करी बंद पेई दी ही जेह्दे करी लोकें गी बड़ी मती परेशानी दा सामना करना पवा'रदा हा। एह्दा हल कड्डदे होई हिमाचल प्रदेश आली बक्खियां लोकें दी सुविधा इक विकल्प शिड़क राबता कायम कीता गेआ, पर ओ रस्ता बी हाड़ औने करी बंद होई होई गेआ।

किश्तवाड़ दे डिप्टी कमीशनर डॉ. देवांश यादप होरें कल नागसेनी दा दौरा लाया ते उत्थें चला'रदे शिड़क मरम्मत कम्म दा जायजा लैता। उनें गी दस्सेआ गोआ जे हिमाचल प्रदेश थमा पाङ्डर जा'रदी शिड़क दा मरम्मत कम्म बी पूरा करी लैता गोआ ऐ ते हुन उत्थें गड्डिङ्गं दी आओजाई जारी ऐ।

<><><><><><>

Kargil Bike

सेना दीद एस ऑफ स्पेड डिवीजन कारगिल विजय दिवस दे उपलक्ष्य च उत्तरी कमान च आयोजत होआ'रदे मोटर सैकल अभियान च हिस्सा लै'रदी ऐ, जेहड़ा भारत दे अटूट साहस ते संकल्प दा प्रतीक ऐ। इस भावना दा सम्मान करने लेई एस ऑफ स्पेड डिवीजन दे जीओसी होरें 9 अधिकारिणं सनें 14 सदस्यें आली इस बाईक दी टीम कन्नै गल्लबात कीती।

<><><><><><>